

唐
文
粹

三

新平知
府學

PDG

重校正唐文粹卷第十二

吳興姚

鉉

纂

詩丙 總八十六首

樂府辭上

功成作樂一

七德舞 白居易

古樂三

湘絃怨 孟郊

箜篌引 王昌齡

箜篌謠 李白

感慨六

放歌行 王昌齡

浩歌行 白居易

緩歌行 李頎

短歌行 李白

短歌行 張籍

善哉行 釋貫休

興亡四

祖龍行 韋楚老

鄴都引 張說

永嘉行 張籍

後魏行 王穀

幽怨十二

湘妃怨

陳羽

銅雀臺歌

劉長卿

銅雀妓

歐陽詹

魏宮詞

崔國輔

王昭君歌

劉長卿

王昭君

盧照鄰

婕妤怨

王維

長信宮

崔國輔

怨詞

苦樂相倚曲

元稹

妾薄命

李白

白頭吟

張籍

貞節六

列女操

孟郊

節婦吟寄東平李司空

張籍

織女詞

元稹

靜女詞

孟郊

寄衣曲

張籍

白紵歌

愁恨十

征婦怨

張籍

春思

李白

春別曲

張籍

古樂府雜怨

三首

長干行

李白

古薄命妾

孟郊

母別子

白居易

夜夜曲

釋貫休

艱危十一

蜀道難

李白

行路難

張籍

行路難

三首李白

變行路難

王昌齡

太行路

白居易

梁甫吟

李白

走馬引

李賀

孟門行

崔顥

沐浴子

李白

邊塞三十三

將軍行

劉希夷

將軍行

張籍

霍將軍

崔顥

老將行

王維

鴈門太守行

李賀

從軍行

六首劉長卿

塞上曲

戎昱

塞下曲

卽士元

塞下曲

王季友

出塞曲

劉灣

燕歌行

高適

燕支行

王維

隴頭吟

陰山道

陰山道

白居易

胡無人

李白

飲馬長城窟

釋子蘭

關山月

張籍

古長城吟

王翰

長城作

鮑溶

古築城曲

五首元稹

築城詞

張籍

築城詞

陸龜蒙

聽董大彈胡笳聲兼語弄寄房給事

李頎

七德舞

白居易

七德舞七德歌傳自武德至元和元和小臣白居易觀舞聽歌知

樂意曲終稽首陳其事太宗十八舉義兵白旄黃鉞定兩京擒充
戮竇四海清二十有四功業成二十有九即帝位三十有五致太
平功成理定何神速速在推心致人腹亡卒遺骸散帛收貞觀初
下陣亡者致祭而瘞之飢人賣子分金贖貞觀二年大飢人有賣
毒人散金帛而購埋之飢人賣子分金贖貞觀二年大飢人有賣
盡贖之以魏徵夢見天子泣魏徵疾亟太宗夢與徵別既寤流涕
還其父母魏徵夢見天子泣是夕徵卒故御製碑文云昔殷高宗
得良弼於夢中朕張謹哀聞辰日哭張公謹卒太宗為之舉哀有
今失賢臣於覺後張謹哀聞辰日哭張公謹卒太宗為之舉哀有
太宗曰君臣義重猶父子也怨女三千放出宮太宗嘗謂臣曰
情發於衷安知辰日乃哭之怨女三千放出宮太宗嘗謂臣曰
實可愍今將出之任求伉儷於數千人盡放歸也死囚四百來歸獄
給事中杜正倫於掖庭陳出數千人盡放歸也死囚四百來歸獄
貞觀六年親錄囚徒死罪者三百九十人放歸剪鬚燒藥賜功臣
于家令明年秋來就刑及期而至遂詔悉原之剪鬚燒藥賜功臣
李勣嗚咽思殺身李勣疾亟醫云得龍鬚灰方可療之太宗
血吮瘡撫戰士思摩奮呼乞効死李思摩為之吮血大則知不獨善
戰善乘時以心感人人人心歸爾來一百九十載天下至今歌舞之
歌七德舞七德聖人有作垂無極豈徒耀神武豈徒誇聖文太宗
意在陳王業王業艱難示子孫

湘絃怨

孟郊

昧者治春草蕭蘭同一鋤盲颺怨秋林曲直同一枯嘉禾忌深蠹
直人悲巧誣靈均入迴流斬尚爲良謨願我分衆泉清濁各有渠
願我分衆巢梟鸞相遠居此志諒難保此意誠何如

箜篌引

王昌齡

盧谿郡南夜泊舟夜聞南岸羗戎謳其時月黑猿啾啾微雨霑衣
令人愁有一遷客登高樓不言不寐彈箜篌彈作薊門桑葉秋風
沙颯颯青塚頭將軍鐵駢汗血流深入匈奴戰未休黃旗一點兵
馬收亂殺胡人積如丘瘡病驅來配邊州仍披漠北羊羔裘顏色
飢枯掩面羞眼眶滴淚深兩眸還思本鄉食鰲牛欲語不得指咽
喉或有強壯能伊憂意說被他邊將讎五世屬蕃漢主留碧毛氍
帳河曲遊橐駝五萬部落稠勅賜飛鳳金兜鍪爲君百戰如過籌
靜掃陰山無鳥投家藏鐵券特承優黃金千斤不稱求九族分離
作楚囚深谿寂寞絃苦幽草木悲感聲颺颺僕本山東爲國憂明

光殿前論九疇麓讀兵書盡冥搜爲君掌上施權謀洞曉山川無
與儔紫宸發詔遠懷柔搖筆飛箱如奪鉤鬼神不得知其由憐愛
蒼生比蚍蜉緣河屯兵須漸抽盡遣降來拜御溝便令海內休戈
矛何用班超定遠侯史臣書之得已不

筌篴謠

李白

攀天莫登龍走山莫騎虎貴賤結交心不移唯有嚴陵與光武周
公稱大聖管蔡寧相容漢謠一斗粟不與淮南春兄弟尚路人吾
心安所從他人方寸間山海幾千重輕言託朋友對面九疑峯多
花必早落桃李不如松管鮑久已死何人繼其蹤

放歌行

王昌齡

南渡洛陽津西望十二樓明堂坐天子月朔朝諸侯清樂動千門
皇風披九州慶雲從東出決瀋抱日流昇平貴論道文墨將何求
有詔徵草澤微誠獻謀猷冠冕如新羅拜揖曹與周望塵非君事
入賦且遲留幸蒙國士識因脫負薪裘今者放歌行以慰梁甫愁

但榮數斗祿奉養每豐羞若得金膏遂飛雲亦可籌

浩歌行

白居易

天長地久無終畢昨夜今朝又明日鬢髮蒼浪牙齒踈不覺身年
四十七前去五十有幾年把鏡照面心忙然既無長繩繫白日又
無大藥駐朱顏朱顏日夜不如故青史功名在何處欲留年少待
富貴富貴不來年少去去復去兮如長河東流赴海無迴波賢愚
貴賤同歸盡北邙塚墓高嵯峨古來如此非獨我未死有酒且高
歌顏回短命伯夷餓我今所得亦已多功名富貴須待命命若不
來知柰何

緩歌行

李頎

小來託身攀貴遊傾財破產無所憂暮擬經過石渠署朝將出入
銅龍樓結交杜陵輕薄子謂言可生復可死一沉一浮會有時棄
我翻然如脫屣男兒立身須自強十年閉戶穎水陽業就功成見
明主擊鍾鼎食坐華堂二八蛾眉梳墮馬美酒清歌曲房下文昌

宮中賜錦衣長安陌上退朝歸五陵賓從莫敢視三省官寮揖者
稀早知今日讀書是悔作從來狂俠兒

短歌行

李白

白日何短短百年苦易滿蒼穹浩茫茫萬劫太極長麻姑垂兩鬢
一半已成霜天公見玉女大笑億千場吾欲攬六龍迴車挂扶桑
北斗酌美酒勸龍各一觴富貴非所願爲人駐顏光

短歌行

張籍

青天蕩蕩高且虛上有白日無根株流光暫出還入地使我少年
不須更與君相逢勿寂寞衰老不復如今樂玉卮盛酒置君前再
拜願君千萬年

善哉行

釋貫休

有美一人兮婉如青陽識曲別音兮令姿煌煌繡袂捧琴兮登君
子堂如彼萱草兮使我憂忘欲贈之以紫玉尺白銀璫久不見之
兮湘水茫茫

祖龍行

韋楚老

黑雲兵氣射天裂壯士朝昏夢寃結祖龍一夜死沙丘胡亥空隨
鮑魚轍腐肉偷生二千里僞書先賜扶蘇死墓接驪山土未乾瑞
光已向芒碭起陳勝城中鼓三下秦家天地如崩瓦龍蛇撩亂入
咸陽少帝空隨漢家馬

鄴都引

張說

君不見魏武草創爭天祿羣雄睚眦相馳逐畫攜壯士破堅陣夜
接詞人賦華屋都邑繚繞西山陽桑榆漫漫漳河曲城郭爲墟人
改代但見西園明月在鄴傍高塚多貴臣蛾眉曼睂共灰塵試上
銅臺歌舞處唯有秋風愁殺人

永嘉行

張籍

黃頭鮮卑入洛陽胡兒持戟昇明堂晉家天子作降虜公卿齊走
如牛羊紫陌旌旛暗相觸家家雞犬驚上屋婦人出門隨亂兵夫
死眼前不敢哭九州諸侯自曠土無人領兵來護主北人避胡多

在南南人至今能晉語

後魏行

王穀

力微皇帝謗天嗣太武凶殘人所畏一朝粘毘飛上天子孫盡作河魚餌

湘妃怨

陳羽

二妃怨處雲沉沉二妃怨處湘江深商人酒滴廟前草蕭颯風生班竹林

銅雀臺歌

劉長卿

嬌愛更何日高臺空數層含啼映雙袖不忍看西陵漳河東流無復來百花輦路唯蒼苔青樓月夜長寂寞碧雲日暮空徘徊君不見鄴中萬事非昔時古人何在今人悲春風不逐君王去草色年年舊宮路宮中歌舞已浮雲空指行人往來處

銅雀妓

歐陽詹

蕭條登古臺迴首黃金屋落葉不歸林高陵未爲谷粧容徒自麗

舞態閱誰目惆悵總惟前歌聲苦於哭

魏宮詞

崔國輔

朝日點紅粧擬上銅雀臺畫眉猶未竟魏帝使人催

王昭君歌

劉長卿

自矜妖艷色不顧丹青人那知粉纈能相負却使容華翻誤身上
馬辭君嫁驕虜王顏對人啼不語北風鴈急浮雲秋萬里獨見黃
河流纖腰不復漢宮寵雙蛾長向胡天愁琵琶絃中苦調多蕭蕭
羌笛聲相和誰憐一曲傳樂府能使千秋傷綺羅

王昭君

盧照鄰

合殿恩中絕交河使漸稀肝腸辭玉輦形影向金微漢宮草應綠
胡庭沙正飛願逐三秋鴈年年一度歸

婕妤怨

王維

宮殿生秋草君王恩幸疎那堪聞鳳吹門外度金輿

長信宮

崔國輔

長信宮中草年年愁處生時侵珠履跡不使玉階行

怨詞

妾有羅衣裳秦王在時作爲舞春風多秋來不堪著

苦樂相倚曲

元稹

古來苦樂之相倚近於掌上之十指君心半夜猜恨生荆棘滿懷
天未明漢皇眼瞥飛燕時可憐班女恩已衰未有因由相決絕猶
得半年佯暖熱轉將深意喻傍人緝綴疵瑕遣譖說一朝詔下辭
金屋班姬自痛何倉卒呼天拊地將自明不悟尋時暗銷骨白首
官人前再拜願將日月相揮解苦樂相尋晝夜聞燈光那得天明
在主今被奪心應苦妾奪深恩初爲主欲知妾意恨主時主今爲
妾思量取班姬收淚抱妾身我曾排擯無限人

妾薄命

李白

漢帝重阿嬌貯之黃金屋咳唾落九天隨風生珠玉寵極愛還歇
妬深情却踈長門一步地不肯暫迴車雨落不上天水覆最難收

君情與妾意各自東西流昔日芙蓉花今成斷根草以色事他人
能得幾時好

白頭吟

張籍

請君膝上琴彈我白頭吟憶昔君前嬌笑語兩情宛轉如縈素宮
中爲我起高樓更開花池種芳樹春天百草秋始衰棄我不待白
頭時羅襦玉珥色未暗今朝已道不相宜楊州青銅作明鏡暗中
持照不見影人心迴互自無窮眼前好惡那能定君恩已去若再
返菖蒲花青月長滿

列女操

孟郊

梧桐相待老鴛鴦會覆死貞女貴殉夫捨生亦如此波瀾誓不起
妾心井中水

節婦吟寄東平李司空

張籍

君知妾有夫贈妾雙明珠感君纏綿意繫在紅羅襦妾家高樓連
花起良人執戟明光裏知君用心如日月事夫誓擬同生死還君

明珠雙淚垂何不相逢未嫁時

織女詞

元稹

織婦何太忙蠶經三卧行欲老蠶神女聖早成絲今年絲稅抽徵
早早徵非是官人惡去歲官家事戎索征人戰苦束刀瘡主將勲
高換羅幕縑絲織帛猶努力變緝掩機苦難織東家頭白雙女兒
爲解挑紋嫁不得余嫁荆時目擊貢綾戶有終老不嫁之女簷前裏裏游絲上上有蜘蛛
蛛巧來往羨他蟲豸解緣天能向虛空織羅網

靜女詞

孟郊

豔女皆妬花靜女獨撿蹤任體耻任粧嫁德不嫁容君子未求娉
小人難相從此志誰與說琴絃幽韻重

寄衣曲

張籍

織素縫衣獨苦辛遠因迴使寄征人官家亦自寄衣去貴從妾手
著君身高堂姑老無侍子不得自到邊城裏殷勤爲看初著時征
夫身上宜不宜

白紵歌

張籍

皎皎白紵白且鮮將作春衣稱少年裁縫長短不能定自持刀尺
向姑前復恐蘭膏污纖指常遣傍人收墜珥衣裳著時寒食下還
把玉鞭鞭白馬

征婦怨

九月匈奴殺邊將漢軍全歿遼水上萬里無人收白骨家家城下
招冤葬婦人依倚子與夫同居貧賤心亦舒夫死戰場子在腹妾
身雖存如畫燭

春思

李白

燕草如碧絲秦桑低綠枝當君懷歸日是妾斷腸時春風不相識
何事入羅帷

春別曲

張籍

長江春水綠堪染荷葉出水大如錢江頭橋樹君自種那不老繫
木蘭船

古樂府雜怨三首

孟郊

天桃花清晨遊女紅粉新
天桃花薄暮遊女紅粉故
樹有百度花人無一定顏
花送人老盡人悲花自閑
貧女鏡不明寒日花少容
暗蛩有虛織短線無長縫
浪水不可照狂夫不可從
浪水多散影狂夫多異蹤
持此一生薄空成萬恨濃
憶人莫至悲至悲空自衰
寄人莫剪衣剪衣未必歸
朝爲雙蒂花暮爲四散飛
落花却遶枝遊子不顧期

長干行

李白

妾髮初覆額折花門前劇
郎騎竹馬來遶床弄青梅
同居長千里兩小無嫌猜
十四爲君婦羞顏未嘗開
低頭向暗壁千喚不一迴
十五始展眉願同塵與灰
常存抱柱信豈上望夫臺
十六君遠行瞿塘灘湍堆
五月不可觸猿鳴天上哀
門前舊行跡一一生綠苔
苔深不能掃落葉秋風早
八月胡蝶黃雙飛西園草
感此傷妾心坐愁紅顏老
早晚下三巴預將書報家
相迎不道遠直至長風沙